

1937.

226



საქართველოს საზოგადოებრივი სოციალისტური რესპუბლიკის
 მუშათა და გლეხთა მთავრობის
განონთა და განკარგულებათა კრებული

საქართველოს სსრ სახალხო კომისართა საზოგადოებრივი მმართველობის გამომცემა

1937 წ. ოქტომბრის 15.

№ 15

თბილისი.

F1951

შ ი ნ ა ა რ ს ი

სახელმწიფო წყობილება

106. საქართველოს სსრ სახალხო კომისართა საბჭოსთან არსებული სათბობი მასალის საქმეთა კომიტეტის ლიკვიდაციის შესახებ.

შიწის, წყლის და ტყის მეურნეობა.
 სოფლის მეურნეობა

107. სასოფლო-სამეურნეო მნიშვნელობის მიწების იჯარით გაცემის აკრძალვის შესახებ.

ვაჭრობა. მომარაგება

108. 1937 წლის მოსავლის თამბაქოს საკოლმეურნეო და ინდივიდუალურ-გლეხური ვაჭრობის აკრძალვის შესახებ.

109. 1937 წლის მოსავლის მწვანე გერანის და მზადების გეგმის შესახებ.

ტრანსპორტი

110. სატვირთო ავტომანქანების კაპიტალური რემონტის წარმოების წესების შესახებ.

სახელმწიფო დაზღვევა

111. საქართველოს სსრ სოფლებსა და ქალაქებში 1935 წელს საეკონომიკური საგანაკვეთო დაზღვევის დადგენილების შეცვლის შესახებ.

ჯანმრთელობის დაცვა

112. საქართველოს სსრ ჯანმრთელობის სახალხო კომისარიატთან სამშენებლო სამმართველოს ჩამოყალიბების შესახებ.

სახაზართლო წყობილება და საზოგადოებრივი წარმოება

113. „მოქალაქეთა პირადი უფლებების და ინტერესების შესახებ დოკუმენტების ასლების შემოწმების მოწესრიგების თაობაზე“ გამოცემული სსრ კავშირის ცენტრალური აღმასრულებელი კომიტეტის და სახალხო კომისართა საბჭოს 1937 წლის 3 ივნისის დადგენილების შესაბამისად საქართველოს სსრ კანონმდებლობაში ცვლილებების შეტანის შესახებ.



სახელმწიფო წყობილება

106. დადგენილება ს.კ.ს

საქართველოს სსრ სახალხო კომისართა საბჭოსთან არსებული სათბობი მასალის საქმეთა კომიტეტის ლიკვიდაციის შესახებ.

საქართველოს სსრ სახალხო კომისართა საბჭო ადგენს:

1. ლიკვიდირებულ იქნას საქ. სსრ სახკომსაბჭოსთან არსებული სათბობი მასალის საქმეთა კომიტეტი (საქ. სსრ კან. კრ. 1932 წ. № 24, მუხ. 243) და მისი ფუნქციები საქ. სსრ-ის სათბობი მასალის დაგეგმვის დარგში გადაეცეს საქ. სსრ საგეგმო კომისიას.

2. სათბობი მასალის საქმეთა კომიტეტის საშტატო 2 ერთეული გადაეცეს საქ. სსრ საგეგმო კომისიას მასთან სათბობი მასალის ჯგუფის ჩამოსაყალიბებლად.

3. მიენდოს საგეგმო კომისიას ერთი დეკადის ვადაში წარმოუდგინოს სახკომსაბჭოს ღონისძიებანი საქართველოს რესპუბლიკის სათბობი მასალით მომარაგების დაგეგმვისა და მოწესრიგების შესახებ.

4. საქართველოს სსრ სახალხო კომისართა საბჭოს 1932 წ. ოქტომბრის 22-ის დადგენილება საქართველოს სსრ სახალხო კომისართა საბჭოსთან სათბობი მასალის საქმეთა კომიტეტის მოწყობის შესახებ (საქ. სსრ კან. კრ. 1932 წ. № 24, მუხ. 243) გაუქმებულ იქნას.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ვ. ბუჯიაშვილი.

1937 წ. სექტემბრის 1.
თბილისი.

მიწის, წყლის, და ტყის მეურნეობა.

სოფლის მეურნეობა

107. დადგენილება ც.ა.კ. და ს.კ.ს.

სახოფლო-სამეურნეო მნიშვნელობის მიწების იჯარით გაცემის აკრძალვის შესახებ.

„სახოფლო-სამეურნეო მნიშვნელობის მიწების იჯარით გაცემის აკრძალვის შესახებ“ სსრ კავშირის ცენტრალური აღმასრულებელი კომიტეტის და სახალხო კომისართა საბჭოს 1937 წლის 4 ივნისის დადგენილების (სსრკ კან. კრ. 1937 წ. № 37, მუხ. 150) შესაბამისად, სრულიად საქართველოს ცენტრალური აღმასრულებელი კომიტეტი და საქ. სსრ სახალხო კომისართა საბჭო ადგენენ:

1. აიკრძალოს სასოფლო-სამეურნეო მნიშვნელობის მქონე მიწების იჯარით გაცემა, როგორც ქალაქის მიჯნის გარეთ, ისე მის ფარგლებში.

2. სასოფლო-სამეურნეო მნიშვნელობის თავისუფალი მიწები სამიწათმოქმედო ორგანოებისა და ქალაქის საბჭოების მიერ მიეცემათ დაწესებულებებს, ორგანიზაციებს და ცალკე მოქალაქეებს მხოლოდ უფასოდ სარგებლობისათვის. აღნიშნული მიწებით სარგებლობის წესებს ადგენს გადამცემი ორგანოები.

3. აიკრძალოს სახელმწიფო დაწესებულებებს და საწარმოებს, (საგზაო მიმოსვლის სახალხო კომისარიატის, წყალთა მეურნეობის სახალხო კომისარიატის, თავდაცვის სახალხო კომისარიატის და სხვა სისტემის) რომელთაც მიცემული აქვთ მიწები სპეციალური მიზნებისათვის მათ მიერ გამოუყენებელ სასოფლო-სამეურნეო მნიშვნელობის მიწების იჯარით გაცემა. ამ მიწების გადამცემა სასოფლო-სამეურნეო გამოყენებისათვის სხვა დაწესებულებებზე და ორგანიზაციებზე, აგრეთვე ცალკე მოქალაქეებზე შეიძლება მხოლოდ უფასოდ სათანადო სამიწათმოქმედო ორგანოებთან ან ქალაქის საბჭოებთან შეთანხმებით.

4. საიჯარო გადასახადის აკრეფა, როგორი ფორმითაც არ უნდა იყოს, სასოფლო-სამეურნეო გამოყენებისათვის აღრე გადაცემულ მიწაზე, ამ დადგენილების გამოცემასთან ერთად შეწყვეტილ იქნას.

5. ამა დადგენილების სამოქმედოდ შემოღების დღიდან გაუქმდეს ყველა აღრე გამოცემული სრ. საქ. ცაკისა და საქ. სსრ ს.კ.ს-ოს დადგენილებები და განკარგულებები ქალაქისა და დაბების ფარგლებში მიწით სარგებლობაზე საგარეუბნო მეურნეობათა საიჯარო გადასახადის შესახებ.

სრ. საქ. ც.ა.კ-ის თავმჯდომარე ფ. მახარაძე.

საქ. სსრ ს. კ. ს-ოს თავმჯდომარე ვ. ბაქრაძე.

სრ. საქ. ც. ა. კ-ის მდივნის მ. ა. გ. გოჩაშვილი.

1937 წ. სექტემბრის 11.

თბილისი.

ვაჭრობა. მომარაბეობა

108. დადგენილება ს.კ.ს.

1987 წლის მოხაველის თამბაქოს საკოლმეურნეო და ინდივიდუალურ-გლეხური ვაჭრობის აკრძალვის შესახებ.

1937 წლის თამბაქოს აღების დაწყებასთან დაკავშირებით საქართველოს სსრ სახალხო კომისართა საბჭო იდგენს:

1. აიკრძალოს, როგორც დაკრძილი, ისე ფურცლოვანი თამბაქოს საკოლმეურნეო და ინდივიდუალურ-გლეხური ვაჭრობა საქართველოს სსრ მთელ ტერიტორიაზე.

2. დადასტურდეს, რომ თამბაქოს საკოლმეურნეო და ინდივიდუალურ-გლეხური ვაჭრობა ნებადართული იქნება საქართველოს სსრ სახალხო კომისართა საბჭოს სპეციალური დადგენილებით მხოლოდ მას შემდეგ, რაც შესრულდება 1937 წლის მოსავლის თამბაქოს დამზადების რესპუბლიკური გეგმა.

3. ამა დადგენილების გამოცემასთან დაკავშირებით, გაუქმდეს საქართველოს სსრ სახალხო კომისართა საბჭოს 1937 წლის 4 ივნისის დადგენილება № 645.

საქ. სსრ ს. კ. ს-ოს თავმჯდომარე გ. ბაქრაძე.

საქ. სსრ ს. კ. ს-ოს საქმეთა მმართველი ვ. ბუჯიაშვილი.

1937 წ. სექტემბრის 1.
თბილისი.

გამოქვეყნებულია გაზ. „კომუნისტის“ 202 №-ში 1937 წ. სექტემბრის 4.

109. დადგენილება ს. კ. ს.

1937 წლის მოსავლის მწვანე გერანის დამზადების გეგმის შესახებ.

1937 წლის მოსავლის მწვანე გერანის კოლმეურნეობებში ფაქტიურად დაკონტრაქტებულ პროდუქციის და საბჭოთა მეურნეობებისათვის დამტკიცებულ საწარმოო საფინანსო გეგმით პროდუქციის ჩაბარების შესაბამისად, საქართველოს სსრ სახალხო კომისართა საბჭო აღდგენს:

1. დამტკიცდეს 1937 წლის მოსავლის მწვანე გერანის, რომელიც მიდის გადამუშავებაზე, დამზადების წლიური გეგმა 14.500 ტონის რაოდენობით, მათ რიცხვში:

- საბჭოთა მეურნეობებში 9.500 ტონა
- კოლმეურნეობებში 5.000 „

ავტონომიურ რესპუბლიკების, რაიონებისა და სექტორების მიხედვით გეგმის შემდეგი განაწილებით:



	საბჭ. მეურნ.	კოლ. მეურნ.	ს უ ლ
აფხაზეთის ასსრ	8.400	4.400	12.800
აჭარის ასსრ	750	—	750
ცხაკაიას რაიონი	350	600	950
ს უ ლ	9.500	5.000	14.500

2. დაევალოს სსრ კავშირის სახალხო კომისართა საბჭოსთან არსებულ სა-სოფლო-სამეურნეო პროდუქტების დამზადებათა კომიტეტის რწმუნებულს საქ. სსრ-ში დამპტიცოს და დაუშვას გერანის დამზადების კვარტალური გეგმები.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ვ. ბუჯიაშვილი.

1937 წ. სექტემბრის 1.
თბილისი.

ბ რ ა ნ ს კ ო რ ტ ი

110. დადგინილება ს. კ. ს.

სატვირთო ავტომანქანების კაპიტალური რემონტის წარმოების წესების შესახებ.

აღნიშნავს რა, რომ მთელი რიგი ორგანიზაციები და დაწესებულებები აწარმოებენ ავტომანქანების რემონტს არა სახელმწიფო ავტო-სარემონტო ქარხანაში, არამედ კუსტარული წესით, რაც მნიშვნელოვნად აქვეითებს რემონტის ხარისხს და იწვევს სახელმწიფო სახსრების დიდ გადახარჯვას, საქ. სსრ სახალხო კომისართა საბჭო აღდგენს:

1. აეკრძალოს ყველა ორგანიზაციებს და დაწესებულებებს სატვირთო ავტომანქანების „გაზ“ და „ზის“ კაპიტალური რემონტის წარმოება ავტოსარემონტო ქარხნის გარეშე.

2. დაევალოს საქ. სსრ ყველა დაწესებულების და ორგანიზაციების ხელმძღვანელებს სატვირთო ავტომანქანების „გაზ“ და „ზის“ კაპიტალური რემონტი აწარმოონ მხოლოდ თბილისის ავტოსარემონტო ქარხანაში.

3. წინადადება მიეცეს თბილისის ავტო-სარემონტო ქარხნის დირექტორს დაუყონებლივ ჩაატაროს საჭირო ღონისძიებანი ავტო-მანქანების რემონტის ვადის შემტვირებისა და მაღალი ხარისხის უზრუნველსაყოფად.

4. დაევალოს შინსახკომის მუშათა და გლეხთა მილიციის სამმართველოს უფროსს სისტემატურად აღევნოს თვალყური ამ დადგენილების შესრულებას და დარღვევის ყველა შემთხვევები აცნობოს საქ. სსრ პროკურატურას.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ვ. ბუჯიაშვილი.

1937 წ. სექტემბრის 1.
თბილისი.

სახელმწიფო დაზღვევა

111. დადგენილება ს. კ. ს.

საქართველოს სსრ ხოფლებსა და ქალაქებში 1935 წელს სავალდებულო საგანაკვეთო დაზღვევის დადგენილების შეცვლის შესახებ.

„სოფლებსა და ქალაქებში სავალდებულო საგანაკვეთო დაზღვევის შესახებ“ სსრ კავშირის სახალხო კომისართა საბჭოს 1934 წ. 19 ივლისის დადგენილების შესაცვლელად გამოცემული სსრ კავშირის სახალხო კომისართა საბჭოს 1937 წ. 4 აგვისტოს დადგენილების შესაბამისად, საქართველოს სსრ სახალხო კომისართა საბჭო ადგენს:

„საქართველოს სსრ სოფლებსა და ქალაქებში 1935 წელს სავალდებულო საგანაკვეთო დაზღვევის თაობაზე გამოცემულ 1934 წ. 4 აგვისტოს დადგენილებაში (საქ. სსრ კან. კრ. 1934 წ. № 24, მუხ. 192), რომლის მოქმედება განგრძობილია საქ. სსრ სახალხო კომისართა საბჭოს 1936 წლის 25 ივლისის დადგენილებით (საქ. სსრ კან. კრ. 1936 წ. № 20, მუხ. 119), შეტანილ იქნას შემდეგი ცვლილებანი:

1. 28, 29, 30 და 33 მუხლები მიღებულ იქნას შემდეგი რედაქციით:

„მუხ. 28. ვადაზე შეუტანელი სადაზღვევო გადასახადი გადაირიცხება ნარჩენად და გადაიხდევინება იმ წესით, რაც დადგენილია საქ. სსრ სახალხო კომისართა საბჭოს 1937 წ. 10 აგვისტოს დადგენილებით „სახელმწიფო და ადგილობრივ გადასახდელთა, სავალდებულო საგანაკვეთო დაზღვევის, სავალდებულო ნატურალურ ჩაბარებათა და კოლმეურნეობებსა, სარეწაო არტელებსა და ცალკეულ მოქალაქეებზე დადებულ ჯარიმათა გამო ნარჩენების დასაფარავად ქონების ადმინისტრაციული წესით ჩამორთმევის გაუქმების და სასამართლო წესის დადგენის შესახებ“ (საქ. სსრ კან. კრ. 1937 წ. № 14, მუხ. 103). ნარჩენზე დაირიცხება საურავი შემდეგი რაოდენობით: თითოეული ვადა გადაცილებული დღისათვის კოლექტიურ მეურნეობებს 0,05% და კოლმეურნეებს და ერთპიროვნულ შრომითს მეურნეობებს 0,1% ვადაზე შეუტანელი სადაზღვევო გადასახადისა.

„მუხ. 29. პასუხისმგებლობა, სავალდებულო საგანაკვეთო დაზღვევის ობიექტების სწორი და დროული აღრიცხვისა, სადაზღვევო გადასახადის გამოანგარიშებისა, საგადასახადო უწყებების შედგენა-ჩაბარების და სადაზღვევო გადასახადის გადახდევინებისათვის ეკისრება საფინანსო და სადაზღვევო ორგანოებს“.

„მუხ. 30. დაზღვევის ორგანო ვალდებულია უზრუნველყოს ხვედრი სადაზღვევო საზღაურის სრულად და დროულად მიცემა დაზარალებულ მეურნეობებისათვის.“

ადგილობრივი საფინანსო ორგანოების ხელმძღვანელები ვალდებული არიან სისტემატურად შეამოწმონ დაზღვევის ორგანოების და სარაიონო დამზღვევი კომისიების მუშაობა“

„მუხ. 31. საჩივარი სადაზღვევო გადასახადის გამოანგარიშების უსწორობაზე და აგრეთვე სარაიონო (ქალაქის) დამზღვევი ინსპექციის და სარაიონო დამზღვევ კომისიის უკანონო მოქმედებაზე, ზარალის ანაზღაურების საკითხში, შეიტანება და განხილულ უნდა იქნას იმ წესის დაცვით, რაც აღნიშნულია სსრ კავშირის სახალხო კომისართა საბჭოს 1937 წ. 29 აპრილის დადგენილებით (სსრკ კან. კრ. 1937 წ. № 30, მუხ. 125) დამტკიცებული „სოფელ ადგილებში სარაიონო საფინანსო განყოფილების დაზღვევის რაიონსპექციების მუშაობის შესახებ“ სსრ კავშირის ფინანსთა სახალხო კომისარიატის ინსტრუქციის 20, 21, 22 და 32 მუხლებში“.

„მუხ. 33. სავალდებულო საგანაკვეთო დაზღვევის შემოსული სადაზღვევო გადასახადის საერთო თანხიდან 15% გადაირიცხება ხანძრისა და ოთხფეხი საქონლის გაწყდომის წინააღმდეგ და წინასწარ თავიდან ასაცილებლად საჭირო ღონისძიებებისათვის“.

აღნიშნული ანარიცხები დაიხარჯება იმ წესით, რომელიც გათვალისწინებულია სსრკ ც.ა.კ-ის და ს.კ.ს-ის 1936 წ. 27 სექტემბრის დადგენილებაში „ანარიცხების შესახებ ხანძრისა და ოთხფეხი საქონლის გაწყდომის წინააღმდეგ საბრძოლველად და წინასწარ თავიდან ასაცილებლად საჭირო ღონისძიებათათვის“ (სსრკ კან. კრ. 1936 წ. № 50, მუხ. 407).

2. მე-8 და 32 მუხლები გაუქმებულ იქნას.

3. მე-2 და მე-3 მუხლების 1-ლ დანართს დაემატოს შემდეგი: „ყაზბეგის რაიონიდან სოფლები არტმხო და ჯუტა“.

4. მე-6 მუხლის 1-ლ დანართს დაემატოს შენიშვნა შემდეგი შინაარსისა: „შენიშვნა სოფელ ამბროლაურში კერძო სექტორის შენობების სავალდებულო საგანაკვეთო დაზღვევა გაუქმებულ იქნას“.

საქ. სსრ ს.კ.ს-ის თავმჯდომარე ვ. ზაქარაძე.

საქ. სსრ ს.კ.ს-ის საქმეთა მმართველი ვ. ზუჯიაშვილი.

1937 წ. სექტემბრის 1.

თბილისი.

ჯანმრთელობის დაცვა

112. დადგენილება ს. კ. ს.

საქართველოს სსრ ჯანმრთელობის სახალხო კომისარიატთან საამშენებლო სამმართველოს ჩამოყალიბების შესახებ.

საქართველოს სსრ სახალხო კომისართა საბჭო ადგენს:

1. ნება დაერთოს საქ. სსრ ჯანსახკომს ჩამოყალიბოს თავის შემადგენლობაში საამშენებლო სამმართველო, რომელსაც დავეალოს ტექნიკური მეთვალყურეობის განხორციელება და საქ. სსრ ჯანმრთელობის დაცვის მშენებლობათა მომარაგება საამშენებლო მასალებით.

2. წინადადება მიეცეს საქ. სსრ ჯანსახკომს ერთი დეკადის ვადაში დამტკიცოს დებულება საქ. სსრ ჯანსახკომის საამშენებლო სამმართველოს შესახებ.

3. საქ. სსრ ფინანსთა სახალხო კომისარიატის საშტატო კომისიამ დაამტკიცოს ჯანსახკომის საამშენებლო სამმართველოს შტატი 1937 წლისათვის. ხარჯები ამ სამმართველოს აპარატის შესანახად გაღებულ იქნას იმ კაპიტალური მშენებლობის ღირებულების 1% ანარიცხების ანგარიშებიდან, რომელზედაც საამშენებლო სამმართველო ანხორციელებს ტექნიკურ მეთვალყურეობას.

საქ. სსრ ს. კ. ს.-ოს თავმჯდომარე ვ. ბაქრაძე.

საქ. სსრ ს. კ. ს.-ოს საქმეთა მმართველი ვ. ბუჯიაშვილი.

1937 წ. სექტემბრის 1.

თბილისი.

სასამართლო წყობილება და საგარტილის წარმოება

113. დადგენილება ც. ა. კ. და ს. კ. ს.

„მოქალაქეთა პირადი უფლებების და ინტერესების შესახებ დოკუმენტების ასლების შემოწმების მოწესრიგების თაობაზე“ გამოცემულ სსრ კავშირის ცენტრალური აღმასრულებელი კომიტეტის და სახალხო კომისართა საბჭოს 1937 წლის 3 ივნისის დადგენილების შესაბამისად საქართველოს სსრ კანონმდებლობაში ცვლილებების შეტანის შესახებ.

მოქალაქეთა პირადი უფლებების და ინტერესების შესახებ დოკუმენტების ასლების შემოწმების მოწესრიგების თაობაზე გამოცემულ სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1937 წლის 3 ივნისის დადგენილების შესაბამისად (სსრკ კან. კრ. 1937 წ. № 37, მუხ. 149), საქართველოს ცენტრალური აღმასრულებელი კომიტეტი და სახალხო კომისართა საბჭო ადგენენ:

I.

საქართველოს სსრ სახელმწიფო ნოტარიატის დებულების მე-X თავში „დოკუმენტების ამონაწერის შემოწმების შესახებ“ (საქ. სსრ კან. კრ. 1928 წ. № 16, მუხ. 157) შეტანილ იქნას შემდეგი ცვლილებები:

1. დებულების 61 მუხლი მიღებულ იქნას შემდეგი რედაქციით:

„მუხ. 61. სანოტარო კონტორა და სანოტარო მაგიდა იღებენ ასლების სისწორის შესამოწმებლად სახელმწიფო დაწესებულება-საწარმოს, საზოგადო ორგანიზაციის და კერძო პირის მიერ გაცემულ ისეთ დოკუმენტებს, რომლებიც მოქალაქის უფლებებსა და ინტერესებს შეეხება, თუ კონტორას ან მაგიდას წარედგინება აღნიშნული დოკუმენტების დედანი, ეს დოკუმენტები არ ეწინააღმდეგება კანონს და მათ შეიძლება ჰქონდეს იურიდიული მნიშვნელობა“.

2. დამატოს 61¹ და 63¹ მუხლები შემდეგი შინაარსისა.

„მუხ. 61¹. საკავშირო ან რესპუბლიკური მთავრობის დადგენილების, სასამართლო ორგანოს განაჩენის, სამეურნეო, კოოპერატიული და საზოგადოებრივი ორგანიზაციის დებულების ან წესების უცხო ენაზე დაწერილი დოკუმენტის ასლების, აგრეთვე ყოველგვარი დოკუმენტის ასლის სისწორის შემოწმება ხდება მხოლოდ რესპუბლიკანურ სანოტარო კონტორაში.

შენიშვნა: დოკუმენტის ასლის სისწორის შემოწმება ხდება სსრ კავშირის იუსტისაკომის ინსტრუქციის საფუძველზე“.

„მუხ. 63¹. პასპორტის, საქ. კ. პ. (ბ) დოკუმენტის, პროფკავშირული ორგანიზაციის საწევრო ბილეთის სსრ კავშირის და მოკავშირე რესპუბლიკის ორდენით ან სიგელით დაჯილდოების დოკუმენტის, დამკვერელის სიგელის ან წიგნაკის, სადებუტატო მანდატის, აგრეთვე სამხედრო ბილეთის ასლის სისწორის შემოწმება აკრძალულია.“

II.

საქართველოს სსრ ც.ა.კ.-ის და ს.კ.-ის 1930 წლის თებერვლის 21-ის დადგენილებას „სასოფლო საბჭოების სანოტარო მოქმედების შესახებ“ (საქ. სსრ კან. კრ. 1930 წ. № 7, მუხ. 64) დამატოს მუხ. 2¹ შემდეგი შინაარსისა.

„მუხ. 2¹. სასოფლო საბჭო ამოწმებს მხოლოდ ისეთი დოკუმენტების ასლების სისწორეს, რაც მოქალაქის ქონებრივ და ოჯახურ მდგომარეობას (ქორწინების, დაბადების, სიკვდილის მოწმობა) შეეხება; ამოწმებს აგრეთვე მუშათა და გლეხთა წითელ არმიაში სამსახურის შესახებ ცნობის ასლს, შეღავათების მისაღებად, სამხედრო მაგიდების მიერ სამხედრო სამსახურისადმი დამოკიდებულების შესახებ გაცემული ცნობის ასლს, აგრეთვე მოქალაქეთა შესახებ კოლმეურნეობის და სარეწაო არტელის დადგენილებების ამონაწერებს.“

აღნიშნული დოკუმენტების ასლების სისწორეს სასოფლო საბჭო შეამოწმებს მხოლოდ იმ მოქალაქეთათვის, რომლებიც მუდამ ამ საბჭოს სამოქმედო ტერიტორიაზე ცხოვრობენ“.

ნ.ფ 10/29

III.

საქართველოს სსრ სამოქალაქო სამართლის საპროცესო კოდექსის მე-13 მუხლი (საქ. სსრ კან. კრ. 1931 წ. № 19, მუხ. 205) მიღებულ იქნას შემდეგი რედაქციით.

„მუხ. 13. მხარეებს და საქმეში მონაწილეთ დაშვებულ მესამე პირებს და მათ წარმომადგენლებს, აგრეთვე პროკურატურას, შეუძლიათ გადაათვალიერონ დედანი საქმე, რა მდგომარეობაშიც უნდა იყოს ის, ამოიწერონ საჭირო ცნობები და მიიღონ საქმეში ჩართული ყველა ქალაქისა და დოკუმენტის ასლი სათანადო შემთხვევაში დაწესებული გამოსაღების გადახდით და იმ წესის დაცვით, რაც გათვალისწინებულია სსრკ (კ. ა. კ-ის და ს. კ. ს-ოს 1937 წ. იენისის 3-ის დადგენილებაში „ისეთი დოკუმენტების ასლების შემოწმების მოწესრიგების შესახებ, რომლებიც მოქალაქის პირად უფლებებსა და ინტერესებს შეეხება“ (სსრკ კან. კრ. 1937 წ. № 37, მუხ. 149).

სრ. საქ. ც. ა. კ-ის თავმჯდომარე ფ. მახარაძე.

საქ. სსრ. ს. კ. ს-ოს თავმჯდომარე ვ. ბაქრაძე.

სრ. საქ. ც. ა. კ-ის მდივანი მ. ა. გ. გოჩაშვილი.

1937 წ. სექტემბრის 11.
თბილისი.



ფაზი 20 კა.

გამომცემელი საქ. სსრ ს. კ. ს-ოს 1937 წ. № 29. კ/მ. რედაქტორი ი. ზელეზია
საქმ. მმართველობა

ქალაქის ფორმატი 62x94 სმ; 3/4 ბეჭდვ. ფურც.; 1 ბეჭდვ. ფურც. 48.500 სტამბ. ნიშანი
გადაცემა სტამბას 5/X; ხელმოწერილია დასაბეჭდვ. 28/X; ტირაჟი 2.000.

მთავლ. რწმ. № A-16978 საქ. საბ. კომ. საბჭოს საქმ. მმართ. სტაზბა, თბილისი. № დაკვ. 1234

